



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

50 Absolvere prohibentur sacerdotes seculares, & regulares, à casibus reservatis, sine speciali facultate.

urn:nbn:de:hbz:466:1-10316

constare. Quapropter non sufficit, quod supplicatio fuerit expedita, sed debent litteræ Apostol. sub plumbo præsentari, ut cesset fructuum reservatio, Pius IV. in litteris, motu proprio, expeditis, in Bull. Rom. cap. 36.

44 † Et fuit postea tempus reservationis fructuum prorogatum usque ad diem adeptæ possessionis, & eorumdem fructuum reservatio comprehendit fructus beneficiorum reservatorum, & affectorum, duntaxat, ut opportiori loco infra probatur.

Sunt etiam camera Apostolicæ reservata, & eidem spoliorum nomine spectant, bona quæcunque, † per quoscunque, regulares extra claustra ecclesiarum, monasteriorum, domorum, & quorumcunque regularium locorum degentes, quocunque jure, & actione, sive ex causa testati, sive intestati acquisita, & in posterum acquirenda, vel ad eos delata, in quibusvis locis consistant, ut in constitut. Greg. XIII. incipiente, officii nostri, cap. 44.

46 Reservantur etiam Sedi † Apostolicæ omnes casus in Bulla Cœnæ Domini contenti, & alii quamplures, de quibus per Navar. in cap. 27. à num. 49. usque ad num. 113. tom. 3. in constitut. & si Dominici. in extravag. cam. de pœnit. & remiss. & concil. Trident. cap. 7. de casu reservat. sess. 14.

47 Atrociora verò quædam, † ac gravia crimina committentes, non à quibusvis, sed à summis duntaxat sacerdotibus sunt absolvendi, ideo merito Pontifices pro suprema potestate sibi in Ecclesia universa tradita, causas aliquas criminum graviores, suo potuerunt peculiari refer-

vare iudicio, concil. Trident. cap. 7. de casu reservat. sess. 14.

48 Neque dubitandum est, † quando omnia, quæ à Deo sunt, ordinata sunt, quin hoc idem Episcopis omnibus in sua cuique diocesi, in ædificationem tamen, non destructionem, liceat, pro illis in subditos tradita supra reliquos inferiores sacerdotes auctoritate, præsertim quo ad illa, quibus excommunicationis censura annexa est. Hinc autem reservationem consonum est divinæ auctoritati, non tantum in extrema politia, sed etiam coram Deo vim habere, cap. de cetero. & cap. de monialibus, ext. de sent. excomm. cap. si. Episcopus, de pœn. in 6. & concil. Trident. d. cap. 7.

49 † Si quis autem dixerit, Episcopos non habere jus reservandi sibi casus, nisi quo ad extrinsecam politiam, atque ideo, casuum reservationem non prohibere, quominus sacerdos à reservatis vere absoluat, anathematis pœnam incurrit, concil. Trident. de sacr. pœnit. can. 11. ead. sess. 14.

Et, quoniam † quamplures regulares, & aliæ personæ variis privilegiis suffultæ non obstantibus pluribus declarationibus, congregatione sacri concil. Trident. factis de non absolvendo à casibus locorum Ordinariis reservatis, nihilominus absolvere prætendebant, sacra congregat. Episcoporum, & regularium negotiis præposita, iustis, & gravibus ex causis id exigentibus, ac de Clementis Papæ VIII. mandato vivæ vocis oraculo desuper habito, sacerdotibus omnibus, tam secularibus, quam regularibus, per universam Italiam extra Urbem degentibus, ad confessiones audi

audiendas approbatis, quorumcunq; ordinum iussit, & præcepit, ne sub prætextu privilegiorum, indultorum, aut facultatum generaliter, vel specificè, scripto, aut viva vocis oraculo, vel per communicationem à Sede Apostolica, vel ejus auctoritate, eorum ordinibus congregationibus, collegiis, vel societatibus, aut Archiconfraternitatibus secularium, aut singularibus personis, aut alias quomocunque sub quibusvis tenoribus, formis, & clausulis, etiam derogatoriis derogatoriis, ad cujusvis etiam Imperatoris, Regum, aut aliorum Principum instantiam concessarum, seu confirmatarum, audeat, vel præsumat de cætero, & in perpetuum aliquem cujusvis status, gradus, & conditionis, aut dignitatis, tam Ecclesiasticæ, quàm secularis, etiam si Regiæ, vel Imperialis existat, ab ullo ex casibus clare, vel dubie in Bulla in die Cœnæ Domini legi solita contentis, Sedi Apostolicæ reservatis, aut in futurum reservandis, nec etiam à casibus, quos Ordinarii locorum hætenus reservarunt, vel in posterum sibi reservabunt, nullo casu, etiam necessitatis, vel impedimenti, nisi in mortis articulo, seu cum nova, & speciali Papæ, aut successorum suorum, vel Ordinariorum, quo ad casus ab ipsis tantum reservatos respectivè, habita licentia, Ordinariis locorum exhibenda absolutionis beneficium impendere audeant: sed, cum opus fue-

rit poenitentes ad superiores legitimos si iudices suos accedere consulant, † sub pœna contrafacientibus, tam regularibus, quàm secularibus, excommunicationis, privationis officiorum, & dignitatum, ac beneficiorum, inhabilitatis, & ad quæcunque officia, prælaturas, & beneficia in posterum obtinenda, ipsa facto absque ulla alia declaratione incurrant, habilitatione, dispensatione, & absolutione, illis, qui contrafecerint, præterquam in mortis articulo, Romano Pontifici tantum reservata: ut in litteris de super impressis, & per loca solita ubique locorum publicatis, subdat. Romæ. 13. Novemb. anno 1600.

Veruntamen, ne hac occasione aliquis pereat in eadem ecclesia Dei; custoditum semper fuit, † ut nulla sit reservatio in articulo mortis, atque ideo omnes sacerdotes quoslibet poenitentes à quibusvis peccatis, & censuris absolvere possint, sed cum conditione, si convalescant, extra quem articulum, sacerdotes cum nihil possint in casibus reservatis, id unum poenitentibus persuadere tenentur, ut ad superiores, & legitimos iudices pro absolutionis beneficio accedant. concil. Tridentin. eod. cap. 7. in fin. de cas. reserv. sess. 14. cap. pastoralis, §. præterea, de offic. ord. clem. cupientes, in fin. de pœn. & cap. intercurrentes, §. duos tamen, in extravag. com. de privit.